

Шочмо эл, порылык да чын верч!

Будь готов!

40-ше (3532) №,
2021 ий 1 октябрь,
кугарня.

Ямде лий



1933 ий 1 февраль годсек лектеш.

0+

ТУНЫКТЫШО ЛИЯШ ПИАЛ ДА ЧАП

Фотом шкoлын архивше гыч налме.



«Земский учитель»
программе почеш Марий
Элыште тений 12 тунукты-
шо пашам ышта.

5 октябрь —
Тунуктышын
кечыже.



Ялысе школлаште самырык тунуктышо-влак шагал улыт манаш ок лий. Теве Марий Турек район Арбор школышто А.О.Семёнов нылымше ий пашам ышта. Тудо информатикым, физикым, математикым тунукта. Тыгак директорын воспитаний паша шотышто алмаштышыжын сомылжым икымше ий шукта.

умылтара.

Ушан, чолга, самырык тунуктышо йыр удыр-рвезе-влак мукшла погынат. Снимкыште Александр Олегович тунемше-шамычлан электрофорный машина полшымо дене тулын ышталтмыжым

умыштарат. — Мый тунуктышо-влакын династийыштым ялысе школышто, шочмо верыштем, шуэм. Авам Людмила Николаевна ден ковам Мария Васильевна руш йылме ден литературым ятыр ий тунуктеным. Ачамат паша корныжым физкультур, ОБЖ, общественаний предметлам тунуктым гыч тунгалын. Мыланем лишыл енем-влакын корныштым умбакыже шуаш — кугу пиал да чап, — оила Александр Олегович.

Х.АЛЕКСАНДРОВА.

ПОДПИСКЕ

**4-14 октябрьште
Россий мучко ПОДПИС-
ЧИКЫН ДЕКАДЫЖЕ
эртаралтеш.**

2022 ийын икымше пелий-жылан «Ямде лий» газетлан шулдырак ак дене возалташ вашкыза.

Индекс — П4696.

Подписчик-влак коклаште
ЛОТЕРЕЙ модыш
лиеш.

**Тунг приз —
коньки.**



Рекламе.

ФОТОМ ШКОЛЫН АРХИВЫН АЗЫН НАЛМЕ.



Ўшаным суленыт

Волжский район Пётъял школын командыже (снимкыште) тунемше-влак кокласе «Президентские состязания» всероссийский спорт тагасымашын финалыштгыже Марий Элын чапшым кандашымше ий почела арален. Тений тудо «Орлёнок» всероссийский йоча рүдерыште эртаралтын. Российын 74 регионжо гыч ялысе школ команде-влак тагасеныт. Ёдыр-рвезе-влак спорт многоборьеште, эстафетыште, теорий да усталык конкурслаште вий-куатыштым да мастарлыкыштым тергеныт. Пётъял школын тунемшыже-влак многоборьеште икымше верым сенен налыныт. Никита Алексеев (**пурла гыч кокымшо**) личный первенствыште кумшо лийын. Чумыр тагасымашым иктешлымеке, Марий Элын командыже индешымше верыш лектын. Сенгымашке шумаште физкультурным туныктышо А.А.Семёновын надырже моткоч куту. Чылаштым шокшын саламлена!

Л.ГРИГОРЬЕВА.

Российысе увер

Россий Президент В.В.Путинын кўштымж почеш, школлаште контрольный паша-влак шагалрак лийыт. Рособрнадзор ден Просвещений министерстве тиде темлымашым илышыш шындалаш тўналыт.

7-21 ияш ёдыр-рвезе-влак, «Красно книжные истории» экологий ончер тўнямбал конкурсыш ушнен кертыда. Келшыше номинацийым ойырен, пашам 14 декабрь марте колтыза. Тўрыс уверым konkursoff.ru сайтыште ончыза.

«Права человека нашими глазами» тўнямбал усталык конкурсыш 12-22 ияш ёдыр-рвезе-влак ушнен кертыт. 40 секунд наре шуйнышо видеом войзен, konkurs30prav.ru адрес дене 15 октябрь марте колтыман.

Марий Элысе увер

4-10 октябрьыште Россий мучко Туныктышын арняже икымше гана эртаралтеш. Марий Элыште «Мыйын туныктышем эн сай» флешмоб лиеш. Школлаште фотозоным келыштарат, «Мыйын йоратыме туныктышем» пырдыж-газетым ямдылат.

9 октябрьыште класс вуйлатыше-влак Москошто эртаралтше Всероссийский форумыш погынат. Марий Эл гыч 7 туныктышо кызытсе образований, воспитаний, педагогике психологий нерген мутланымашке ушна.

«Туризм сувенир-2021» всероссийский конкурсын Юл кундем федерал округысо йыжынгыштыже тўтыретпуч финалыш логалын. 12 регион гыч 452 арвер сенгышыш лекшаш верч тагаса. Иктешлымаш 22-23 октябрьыште Пермьыште лиеш.

Увер



Юл кундем федерал округысо «Театральное Приволжье» фестивалын регионисо йыжынже тўналын. Тушко 6-17 ияш йоча-шамычын да 18-30 ияш самырык-влакын театр коллективышт да студийышт ушнен кертыт. Регионисо фестиваль декабрь марте шуйна. Округысо этап январь-февральыште лиеш, а финал – март-апрельыште.

Тиде проект Юл кундем федерал округышто Россий Президентын полномочный представительже Игорь Комаровын полшымыж дене эртаралтеш.

Дина Денисова ден палыме лийна. Кўмыжым шке ыштен ончаш кумыланым. Эн ончыч йосын чучо, но уста ёдыр радам дене умылгарыш. Вес гана кувшинным ыштынем. Йоча-влак, тыландат тушко миен толаш темлем.

Марина СТЕПАНОВА.
Волжский, Упшер.

Юзо пўртўс

Арбор школышто «Пўртўсын юзыжо» конкурс эртаралтын. Тушко тунемше-влак кумылын ушненыт. Школ коридорышто верланыше ўстелыште кабачок шукшым ушештарен, йошкарушмен ден кешыр йўксыла койыныт. Сенгыше-влаклан грамот ден пўлекым кучыктеныт.

Амалия ЗЫКИНА.
Марий Турек район.

Шун кўмыж

Авам дене Йошкар-Оласе Керамике тоштерышке мийышна. Тушто шун гыч ненчыше мастар Ре-



Параньга район Матародо школышто ко-кымшо классым А.В.Моро-зова туныкта (снимкыште). Чылаже – 17 йоча. Марий чонан туныктышын тунемшы-же-влакат ма-рий шўлышан кушкыт: чылан марла кутырат, марла мураш-кушташ йўра-тат. Кажне йо-ча «Ямде лий» газетым налеш.

– **Алёна Вячеславовна, йоча-влакым марий йылме деке шўман-даш могай йў-ным кучыл-тыда?**

– Школышто марий йылмым почмо йылме семын тунемына. Моло уро-клаште темым рушла умыл-тарем гынат, марий йылме да литератур уроклаште лите-ратурно чын кутыраш тыр-шена. Шочмо йылмым пага-лымаш да йўратымаш ача-ава-деч тўналеш. Мўнгыштў шочмо йылмын сылнылыкше, тудын вийже нерген каласка-

лышаш улыт. Уроклаште йылме лывыртыме пашам ышташ «Ямде лий» газет ден «Кече» журналым кучылтына.

– **Палем, физкультур урокыштат марий модыш**

Мутлан: «Тый могай марий кочкышым палет?» Кокымшо йоча вашешта да парняж йыр шўртым пўтырал кода. Пош-кудыжлан йодышым ямдыла.

Тыге пытар-тыш модшо марте. Йоча-влак илыше мундыраш савырна т. Ёдыр-рвезе-влак перемен гodyмат мо-даш йўратат.

– **Тачысе йочан койышышты-жо могай ойыртемым ужыда?**

– Тачысе йоча – мем-

нан ончыкылыкна. Сандене нуным кызытсе илышлан келшышын туныктыман, у йўн-влак дене пайдаланаш таратыман. Икшыве-влак илыш дене тўр ошкылыт, шуко палат. Огыт вожыл. Шонымашыштым раш ойлен моштат.

Х.АЛЕКСАНДРОВА
мутланен.

Илыш дене тўр ошкылыт



Фотом школын архивше гыч налме.

5 октябрь –
Туныктышын кечыже.

дене модыктеда. Лудшына-влакым иктыж дене палда-рыза.

– Модыш «Мундыраш чу-мыргена» маналтеш. Йоча-влак йыр чумырген шинчыт. Икымше модшо мундыра гыч парняшкыже шўртым пўты-ра, вара мундырам воктен шинчышыжлан пуа. Тунамак иктаж-мо нерген йодеш.

Пайрем дене!

Мемнан кокымшо авана да икымше туныктышына Любовь Артёмовна Григорьева лийын. Илышыште сай ден осалым ойырен мошташ туныкты-мыжлан кугу таум каласем. Кызыт класс вуйла-тышына – Жанна Семёновна Дмитриева. Мый тудым мот-коч пагалем. Школ да тунык-тышо-влак дене кугешнем. Чылаштым пайрем дене саламлем!

Лилия АЛЕКСАНДРОВА.
Морко, Унчо.

Ачам гай лийнем

Ачам Владислав Влади-мирович Шолэнгер кыдалаш школышто историй, общес-твознаний да ОБЖ предмет-лам туныкта. Мыйын шоны-маште, тудын деч ушан ен уке. Ачам кеч-могай йодыш-ланат вашмутым муэш. Яра жапыштыже книгаг лудаш йўрата. Мый ачам гай ушан лийнем.

Анна ВИНОГорова.
Звенигово, 2-шо №-ан
Красногорский школ.

Тау, туныктышем!

Мый руш йылме урокым йўратем. Тудым Т.Г.Мака-рова вўда. Татьяна Генна-дьевна кажне урокым она-йын эртарат. У материалым модыш йўн дене умылтары-мыжлан кўра ме куштылгын

Увер

«Идалыкысе туныктышо» рес-публикысе кон-курсшто сенгы-ше, Медведево район Красно-октябрьский школышто тў-налтыш класслаште туныкты-шо Е.Н.Романова (снимкыште) Марий Элын чапшым Росси-йште арала. «Российын ида-лыкысе туныктышыжо – 2021» чаплўмым налшаш верч тўрлў регион гыч 85 педагог тагаса. Сенгышым 10 октябрь-ыште Москосо Кремль пола-тыште саламлат.



шарнен кодына. Шинчы-машнам тергаш тестым возена. Кызыт экзаменлан ямдылалтына. Келге шин-чымашым пуымыжлан кугу таум ойлем.

Юля УСОВА.
Марий Турек школ.

Анаграмме

Школысо предмет-

влакым палыза.

- ➔ таЛе+Рита+ур=?
- ➔ иМе+тат+ака+м=?
- ➔ ОрИна+ак+миф+т=?

«Русская словесность»
кружокын енге-влак.

Волжский, Сотнур.



Шочмо Йүледүр

Мый Тошто Йүледүр ялыште илем. Тудо кум уреман. Тыште кок кевыт, клуб улыт. Ялыштына шоптыр, олмапу, сливе, вишне кушкыт. Тораште огыл Лаж энгер йоген эрта. Ожно тыште пич чодыра гүжлен шоген. Кугезе коча-кована-влак яллан негызым пыштеныт. Нуно энгер воктенысе курык вуеш верланеныт. Ик шокшо кечын пожар лиймеке, тиде верым Йүлем тўр манын лўмденыт. Жап эртымеке, ялым Йүледүр манаш тўналыныт.

Аня АНДРЕЕВА.

Кужэгер район.

Нурсола ялем

Сылне моткочак ялем,
Йораталме мотор вершорем.
Тый денет кугешнен мый илем,
Тыланет чон мурем пөлеклем.

Посто гае пасум шергылтен,
Кумыл нөлтын йонга турий сем.
Олык лапыш, чодыраш легылден,
Снегым, мөрым копашке погем.

Эр лупс ден памаш деке волем,
Ший вүдеш капкылем чывылтем,
Чуриемым шыман ниялтем.
Вийым налын кушкеш шулдырем!

Сылне шўшпык йўкан ломберем,
Мўй пушан, висвисан пистерем.
Нурсола, йораталме ялем,
Курымеш шўмыштем аралем!

Аня ПРОХОРОВА.

Шернур район.

Тоштерыш - унала



Фотом школын архивше гыч налме.

Унчо селаште верлан-ныше «Тошто марий сурт-пече» тоштер да этнографий комплексште класс дене лийынна (снимкыште). Тушто XIX курым мучаште улан илыше

марийын сурт-оралтыжым ончыктым. Мемнам тоштер пашаенг З.В.Николаева марлагапка ончылно вашлийын. Зинаида Вениаминовна ончыл клатым, изи левашым, кудым, вўтам, левашым,

мастар лукым, шем мончам, кок пачашан клатым ончык-тен. Пөрт көргыштө ожнысо марий вургемым чиен ончен-на. Мый мыжерым чиенам, ўмбаачынже потам ўшталы-нам, порсын шовычым пиды-нам. Йолташем-влак тўрлө сомылым ыштеныт: икте мелнам кўэштын, весе шеп-кам рўзен, кумшо шўртым шўдырен. Рвезе-влак олдыр-чо дене шўртым вынер куымо станлан ямдыленыт.

Ты кечым кужу жап шар-наш тўналына. Эртыме кор-ным палыде, ончыкылык илышым чогаш йөсө.

Алина ЕВСЮТКИНА.

Морко, Унчо.

- Эветле – васартылше.
- Эксыде – чарныде, кўрылтде.
- Экшык – энгек.
- Элнаш – нояш.
- Элнык – кына.
- Эмраташ – шыматаш, лыпландараш.
- Эпере – арам.
- Эргыш – шўртын рўдыжө.
- Эре – яндар.
- Эрельк – арулык.
- Эрежа – пич-пич (шокшо).
- Эрзей – лавыран.
- Эрнаш – эрыкталташ.

Эртне



Микале эветле огыл, эксыде пашам ышта. Эл-нен пыта гынат, жа-пым эпере ок эрtare. Эре-жа шокшо годым, эртнем налын, чодыраш емыж-саскалан ошкеда. Суртыш-тыжо эрелькым эскера, шўм-чонжо эрна.

Л.ГРИГОРЬЕВА ямдылен.

Мотор да ару

Элекэнер ялна кугу огыл гынат, мотор да ару. Ял воктене кугу чодыра гүжлен шога. Тушто ен-влак телы-лан пум ямдылат, емыжым, понтым погат. Изи пўя воктене кенезым йоча йўк шергылтеш. Ялыште паша эре шолеш. Калык вашла полшен, келшен ила. Сурт сомылкам пытарымеке, изи-жат-кугужат, иктеш погы-нен, изуремыш волат. Во-лейболла, футболла модыт. Мый ялемым йоратем, ка-лыкым пагалем.

Регина ГРИГОРЬЕВА.

Морко район.



Уш-акылым пойдаренна



Кенеж канышем мый пайдалын да онайын эртаренам. Валерий кочам Катя акам ден когыньнам Санкт-Петербургыш экскурсий дене намиен (снимкыште). Мыланна Царское Село музей-заповедникыште чот келшен. Зоопаркыштат лийынна. Шуко ум пален налынна. Кочаланна кугу таум ойленна.

Ксения ЕГОРОВА.
Морко, Кократово.
 Фотом еш архив гыч налме.



**1 октябрь — Илалше-
 влакын тўнямбал
 кечышт.**

Синквейн

Ковай
 Йоратыше, илалше.
 Вўчка, мокта, куандара.
 Шерге ег.
 Энергыш.

Кирилл НИКОЛАЕВ.
Морко, Шўргыял.



Семже тораш шергылтеш

Кочамын лўмжō — Иван Михайлович Волков. Тудо Шернур район Пигурык ялеш шочын. Кандашымше класс деч вара Марий Турек район Нартас училищыш агрономлан тунемаш пурен. Тўрлō амаллан кōра мōнгеш пōртылын. Вара салтак радамыш каен. Кочам гитар да гармонь дене мастарын шокта. Йоратыме семўзгаржым кидышкыже налеш, да семже торашке шергылтеш. Ешан лиймекыже, трактористлан пашам ыштен. Палыме ег лийын. Шуко чапкагазше уло. Иван Михайлович кызыт — сулен налме канышыште.

Надя ВОЛКОВА.
Шернур, Лажъял.

Сōрал лўман

Мыйын ковамын лўмжō эн сōрал — Люба. Вашке тудо 70 ийым тема. Ялзанылыкыште шуко ий пашам ыштен: презым ончен, шала пашашкат коштын. Кочам дене коктын кум йочам ончен куштеныт. Мый ковам чот йоратем. Тудын кумылжо поро, чылалан полшаш ямде. Шерге енемым пайрем дене саламлем.


Андрей ИВАНОВ.
Советский, Шуарсола.

Таза лийза!

Набережные Челны олаште илыше коча-ковам деке унала мяш йоратем. Нуно сулен налме канышыште улыт. Ме ялыште илена, сандене мыланем олаште келша. Ковай мелнам, когылым кўэштеш. Кочай дене пырля урмысе йоча площадкыште модына. Южгунам кочам ден ковам мемнан деке унала толыт. Тунам ме чодыраш, олыкыш, ер серыш коштына. Кочам ден ковам моткоч йоратем. Нуным пайрем дене саламлем да тазалыкым тыланем.

Татарстан, Мамадыш, Кугу Шия.

Даша ЯКИМОВА.



Ковай, мый тыйым пеш йоратем! Тый эн сай да поро улат. Йоча годсо жапетым да илышетым каласкалымет мыланем келша. Шуко шокшо-йўштым чыташет логалын. Тый мыланем талешке улат.

Александр ТКАЧЕНКО.
Татарстан, Агрыз, Кадрек.
**Снимкыште: Саша —
 коваж
 дене
 пырля.**

Мастар кид

Ўдыр-рвезе-влак, пайрем кечын кочаковаланда шке гыч ыштыме пōлекым кучыктыза. Шонгыен-влак чўчкыдын шинчалыкыштым йомдарат. Теве тыгай футлярым ургыза. Сўретым ончен, пушкыдо куэм гыч кельштарен пўчса. Йырым-йырже шōргыза. Сōрастарашлан лышташым пижыктыза.



Черланаш огыл манын, чер деч аралалтман. Тидлан түрлө профилактике пашам шуктыман. Могай врачын полшен кертмыж нерген паледа?


Лаштыкнан унаже – Марий Эл Республикын гигиене да эпидемиологий рүдерыштыже тыршыше обший гигиене врач **Е.А.КЛЁНОВА (снимкыште)**. Рүдер Йошкар-Олаште верланен.

– *Екатерина Анатольевна, ты профессор ойыраш мо таратен?*

– Оршанке район Кугу Кугланур школышто шым ий шинчымашым налмеке, Руэм посёлкышто верланыше Шучо профилян лицейын биологий да химий классыкыже тунемаш кусненан. Вара Угарман олесе Медицине академийыште уш-акылем пойдаренан. Врач профессиялан изинек шүман улмем, кугуен, йоча-влаклан польшым пуаш йоратымем ойырымо корно дене пашам ышташ вийым

ешарат. Изинек эмганен кушшо йоча-влак деке школышто тунеммем годымак коштыман. Кызытат нунын деч корангын омыл. Кеч ик жаплан ойгыштым мондыкташ

Черым корандаш тыршыман



манын, түрлө конкурсым эртарем. Чон йодмо сомылым ныл ий утла шуктем. Паша корнем Гигиене да эпидемиологий рүдерысе кочмо отделенийште тўналын. Кызыт радиационный гигиене отделенийште тыршем.

– *Те могай сомылым шуктеда, ей-влакым эмледа мо?*

– Ме черым корандаш да тудын деч аралалташ полшена. Тудо ынже шарле манын тыршена. Йоча-влак йонгылыш корныш ынышт шогал манын, школлашке лектын, вашлиймашлам, вашмутланымашлам эртарена, умылтарена.

– *Тўн шотышто могай темым тарватеда?*

– Кыдалаш, кугурак классласе ўдыр-рвезе-влак тамакым шупшаш ынышт тунем манын, профилактике пашам кажне ийын эртарена. Тиде аярын самырык организмлан могай энгекым ыштымыж нерген кажне йоча палышаш. Мыланна йолташ, психолог лияш перна. Кызыт уло тўнямшучко чер авалтен. Ты шотыштат пашам ыштена. Йошкар-Оласе, Медведево да Оршанке районласе школлашке лектын коштмо. Кидым чын мушмо, тўшкаште шкем арален моштымо нерген мутланыме.

– *Самырык тужымлан могай тыланымашда лиеш?*

– Шкендам аралыза. Йодышда лектеш, польш күлеш гын, кангашым йодаш ида өр. Илышыште чын корным ойырыза.

Е.ИВАНОВА мутланен. Авторын фотожо.

Витаминлан поян

Шере пурыс, шоптыр, ковышта С ден Р витамин-влаклан поян улыт.

В витамин киндыште, мунышто, шылыште да кольшто уло.

Кавунышто, шере пурысышто, ушкал ўйыштө А витамин ятыр.

Колўй, кол да муно D витамин дене организм пойдарат.

E витамин кушкыл ўйыштө да түрлө пўкшыштө уло.

Ужар түсан пакчасаскаште K витамин ятыр.

6 Таза кочкыш – таза вий. Калыкмут.

Винегрет ямде

Мый винегретлык пакчасаскам микроволновый конгаш күктымө нерген каласкалынем. Кўчымө йошкарушменым, кешырым, паренгым кубик семын пўчкедена. Шинчалым шавалтен, янда атыш ўмбаала оптена. Атым петырена да 15 минутлан күкташ шындына. Тыге күктымө пакчасаскаште витамин-влак аралалтыт. Тиде жапыште шоганым, шинчалтыме киярым тыгыдемдена. Ужар пурсам, ужар шоганым, укрупым ешарена. Чылатидымйўкшышө пакчасаскадене варена да нўшмўйымпыштена. Тамле! Йоча-влак, тыгай салатым театямдылен кертыда.



Фотом еш архив гыч налме.

Катя ВЕРЕНИЧ.

Медведево, Руэм.

Чевер сүрет

Мый Арбор кундем Лоп алыште илем. Кылме тылзын шочынам, садлан шыжым моткоч йоратем. Васкан курыкыш ончалам да чевер сүретым ужам: шопке лышташ йошкарген, пызлыгычке шерла койын кеча, ваштар тулым ушештара. Шонет, пуйто сүретче сылнын сүретлен коден. Шыжын моторлыкшо ден поянлыкше чоным ырыктат.

Росина ВАСИНКИНА.
Марий Турек район.



Тамле кочкыш

Тений кокымшо сменяште тунемам, сандене, кечывал эртымеш, мөнгыштö шкетын улам. Чай дене йүаш бутербродым шке ыштем. Киндыш колбасам, сырым пүчкын пыштем да микроволновкыш шындем. Лукмеке, киярым ешарем. Тыгай бутерброд ачам ден авамланат пеш келша.

Медведево, Новый.

Фотом йочасадын архивше гыч налме.

Максим ЗАХАРОВ.

Йошкар-Ола, 24-ше №-ан школ.

Артём ИВАНОВ.

«Шыже» печене



1 октябрь –
Мөнгыштö
ыштыме печенын
кечыже.

Кўлыт: 2 муно, 1-1,5 стакан сакрыложаш, 250 грамм ушкал үй, 3-4 стакан ложаш, 1 пачке разрыхлитель.

Муным сакрыложаш дене туржына. Тушко тёрко гоч нүжымö ушкал үйым пыштена, сайын лугена. Ложашым, разрыхлительым ешарена, пенгыде руашым нöштылына. 30 минутлан холодильниккыш корандена. Руашым лукмеке, вичкыжын шарена. Понго, лышташ але пушенге семын пүчкеден, конгаш күкташ шындена. Тиде жапыште кремным ямдылена.

Кремлан кўлыт: 1 муношо, 200 грамм сакрыложаш, 1 изи совла кукуруз крахмал. Түрлö емыж-саскан сокшым түсым пурташ пышташ лиш.

Муношым 100 грамм сакрыложаш дене варена. Тушкак кукуруз крахмалым да кодшо сакрыложашым ешарен лугена. 2-3 минут миксер дене пудыратена.

М. ШКЕТАН ЛҮМЕШ
МАРИЙ КУГЪЖАНЫШ
ДРАМЕ ТЕАТР

5/10
18:00

+ вияш эфир

Драме
ЭЛНЕТ 12+

7/10
18:00

FOLKS

Сказки народов мира 6+

КАССЕ
8(8362) 78-13-78
SHKETAN.RU

Лышташ вараш кодын йога – кужу шыжылан.

Калык пале.



«Ямде лий» йоча газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelli>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.pf

УЧРЕДИТЕЛЬ: Марий Эл Республикысе культур, печать да калык-влакын пашашт шотышто министерстве.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогным эскерыше Федеральный службын Приволжский федеральный округысо управленийшытыже регистрироватлыме.
Номер – ПИ №ФС 18-1999,
2005 ий 10 февральшыте пуымо.

0+

Печатьш пуымо жап –
14-00,
фактически – 13-00

Авторын да редакцийын шонымашышт түрлö лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый Вийын 70-ше идалыкше урем, 20-шо пöрт.
Тел. 8(8362) 45-22-82(факс)



Аделина МИЛЯЕВА.



Татарстан, Агрыз, Буймо.

Сүрөтүм чиялтыза.



Изи шоншы-лан кочкаш йөршө погым погаш пол-шыза.

Мерангиге мом кочкаш йөрата, палыза.



Шылтыме цифрым пален налза.

Фигур-влакым тетрадьшыкыда сүрөтлен ончыза.

8	27	6	21
54	24	42	18
9	30	5	?
60	27	?	?



Тушто

Кок вол, кок пу сорым, ук упи.



Шыже толын, шөртным шавалтен. Мый лектам уремьш, куанен. Пүртүснан моторлыкшым аклем Да лышташ аршашым погалтем.

Л.ПАВЛОВАН фотожо. Снимкыште: Медведево район Руэм школын 3-шо «Б» классыштыже тунемше Маша ЭКМАН.

Интернетысе сүрөт-влакым кучылтмо.